

<b>ISLE OF ANGLESEY COUNTY COUNCIL</b>	
<b>ADRODDIAD I:</b>	<b>Pwyllgor Sgriwtini Corfforaethol</b>
<b>DYDDIAD:</b>	<b>06 Gorffennaf, 2015</b>
<b>PWNC:</b>	<b>SGORFWRDD CORFFORAETHOL – CHWARTER 4 (2014/15): MATERION YN WEDDILL ER YSTYRIAETH SGRIWTINI</b>
<b>DEILYDD(ION) PORTFFOLIO:</b>	<b>CYNGHORYDD ALWYN ROWLANDS</b>
<b>AWDUR ADRODDIAD: Rhif Ffôn: E-bost:</b>	<b>Rheolwr Sgriwtini Dros Dro 01248752039 agdce@anglesey.gov.uk</b>

## **1.0 ARGYMHELLION**

1.1 I'r Pwyllgor Sgriwtini Corfforaethol nodi'r cyd-destun a'r gweithredu lliniarol sy'n berthnasol i berfformiad y 3 Dangosydd Perfformiad Allweddol fel yr amlinellir ym mharagraffau 3.1, 3.2 ad 3.3 o'r adroddiad hwn;

1.2 Ystyried y priodoldeb o wneud argymhellion pellach i'r Pwyllgor Gwaith.

## **2.0 RHESYMAU**

2.1 Gwelwyd y Pwyllgor Gwaith yn ei gyfarfod a gynhaliwyd ar 26 Mai, 2015 yn penderfynu cyfeirio perfformiad Chwarter 4 chwe Dangosydd Perfformiad yn Sgorfwrdd Corfforaethol y Cyngor (2014/15) er craffu gan y Pwyllgor Sgriwtini Corfforaethol. Rhoddwyd ystyriaeth i dri o'r Dangosyddion Perfformiad yma (manylir isod) yng nghyfarfod diwethaf y Pwyllgor Sgriwtini Corfforaethol (a gynhaliwyd ar 10 Mehefin, 2015):

- **SCC/041a** – y ganran o blant cymwys, perthnasol a phlant a oedd yn berthnasol gynt ac sydd â'r cynlluniau llwybr gofynnol;
- **HHA/017a** – y nifer o ddyddiau ar gyfartaledd y mae'r holl deuluoedd digartref yn eu treulio mewn llety gwely a brechwast;
- **23 & 24** – y nifer o ddyddiau a gollwyd oherwydd gwaharddiadau dros dro: cynradd ac uwchradd.

2.2 Rhoddir ystyriaeth i'r 3 Dangosydd Perfformiad yn weddill yn yr adroddiad hwn:

- **SCA/018b** – y ganran o bobl sy'n gofalu am oedolion sydd wedi cael asesiad neu adolygiad o'u hanghenion eu hunain yn ystod y flwyddyn;

- **LCL/004** – y nifer o ddeunyddiau llyfrgell a fenthyciwyd yn ystod y flwyddyn;
- **LCS/002b** – y nifer o ymweliadau i ganolfannau chwaraeon a hamdden yr Awdurdod Lleol yn ystod y flwyddyn pryd cymerodd yr ymwelwyr ran mewn gweithgareddau corfforol.

### **3.0 TRAFODAETH**

Isod mae crynodeb o'r cyd-destun a'r gweithredu lliniarol mewn perthynas â'r 3 Dangosydd Perfformiad Allweddol dan sylw ac sydd wedi'u paratoi gan y meysydd Gwasanaeth perthnasol:

#### **3.1 Y ganran o bobl sy'n gofalu am oedolion sydd wedi cael asesiad neu adolygiad o'u hanghenion eu hunain yn ystod y flwyddyn [SCA/018b]**

Fel y cofnodwyd yn y dangosydd, gwelwyd y dangosydd hwn yn tanberfformio yn ystod 2014/15, nid yn unig yr unigolion rheiny a gytunwyd i gael asesiad ond hefyd y sawl a gwrthododd gael asesiad o'u hanghenion eu hunain. Yn ei hanfod, 'roedd y rhain yn unigolion nad oeddent yn teimlo'r angen am unrhyw gymorth ychwanegol ac o ganlyniad nad oeddent yn dymuno cael eu hasesu. Yn ystod 2014/15, o'r rhai a gytunodd i dderbyn asesiad 564 (neu 92%) dderbyniodd yr asesiad hwnnw yn y flwyddyn. Daeth y ganran i lawr i 57.1% ar ôl cymryd y rheiny wrthododd asesiad (sef 348) i ystyriaeth. Y ffactor yma arweiniodd at danberfformiad yn ystod 2014/15.

Ar lefel genedlaethol, 'roedd perfformiad ar y lefel hon llynedd yn lleoli Ynys Môn ymhell uwchben y cyrhaeddiad cenedlaethol o 39.4%.

#### **3.2 Y nifer o ddeunyddiau llyfrgell a fenthyciwyd yn ystod y flwyddyn [LCL/004]**

Cyd-destun: Mae nifer y deunyddiau llyfrgell a fenthyciwyd yn ystod y flwyddyn yn ymddangos yn GOCH ar y Cerdyn Sgorio gyda nifer y deunyddiau (sef 287.5k) i lawr 21.5k o'i gymharu â 309k ym 2013/14. O'i gymharu â chanlyniadau cenedlaethol 2013/14, byddem yn gweld bod y dangosydd hwn yn y chwarter isaf ar gyfer y flwyddyn.

Er bod y dangosydd uchod wedi dirwyio, gwelwyd cynnydd o 73k yn nifer yr ymweliadau â'r Gwasanaeth Llyfrgelloedd (Dangosydd 16 ar y Sgorfwrdd Corfforaethol) a hynny o 219k i 292k yn ystod y flwyddyn.

Ymateb y Gwasanaeth:

Bydd y Gwasanaeth yn adrodd ar fenthyciadau “e-loans” y flwyddyn yma (llyfrau electroneg). Rhagwelir y bydd gwelliant sylweddol yn y ffigyrau benthyciadau yn enwedig gyda lansiad gwasanaeth e-adnoddau newydd sydd ar fin cychwyn drwy'r Consortiwm Pwrcasu Cymru Gyfan (Bolinda digital: e-books, e-audio).

Gan fod cysylltiad clir rhwng y Gronfa Lyfrau (“book fund”) a'r ffigyrau benthyciadau, gwelwn fod Cronfa Lyfrau Môn yn isel fel y nodwyd yn adroddiad CyMAL ar berfformiad y Gwasanaeth ym 2013/14:

*“...[Anglesey] fails to achieve the target for expenditure on stock for adult users (part 6 (i) (a)) – it is a very weak performance throughout the period, and it is not surprising therefore that the stock replenishment target for adult stock is not met either (part (iv) (a)). Evidence shows that in time this affects usage of libraries, unless remedial action is taken...”*

(CyMAL Assessment Annual Return, 2013/14).

Er mwyn gwella hyn ar gyfer eleni ac er mwyn gwella'n perfformiad yn erbyn y Dangosydd Perfformiad yma a'r safonau cenedlaethol, gwnaed cais gan y Pennaeth Gwasaneth (Dysgu) i ddefnyddio arian canolog wrth gefn i ychwanegu at y gronfa lyfrau yn ystod 2015/16. Gwrthodwyd y cais.

Rhaid nodi nad yw'r holl o ymwelwyr ein llyfrgelloedd yn fenthycwyr ym mhob achos er i'r Gwasanaeth annog aelodaeth. Darperir ystod eang o wasanaethau eraill gan ein llyfrgelloedd ee defnyddio'r cyfrifiaduron, gwneud ymholiadau, gofyn cyngor a gwneud ymchwil.

### **3.3 Y nifer o ymweliadau i ganolfannau chwaraeon a hamdden yr Awdurdod Lleol yn ystod y flwyddyn pryd cymerodd yr ymwelwyr ran mewn gweithgareddau corfforol [LCS/002b]**

Mae'r dangosydd yn dangos tanberfformiad o 29,000 mewn perthynas â nifer yr ymweliadau â Chanolfannau Hamdden yr Awdurdod yn ystod 2014/15. Gellir crynhoi'r rhesymau am y tanberfformiad hwn fel a ganlyn:

- Ni chofnodwyd yn gywir nifer y disgyblion ysgol a fynychodd Canolfannau Hamdden Caergybi ac Amlwch yn ystod Chwarter 4 oherwydd problem dechnegol gyda'r system llogi electronig.

Amcangyfrifir (yn seiliedig ar gofnodion blaenorol) y byddai o gwmpas 4000 o ddisgyblion ysgol wedi ymweld â Chanolfan Hamdden Caergybi yn ystod Chwarter 4; byddai nifer yr ymweliadau â Chanolfan Hamdden Amlwch wedi bod o gwmpas 3250.

Mae'r rhifau gwirioneddol yn cael eu gwirio ar hyn o bryd gyda staff y Canolfannau Hamdden.

- 'Roedd Canolfan Hamdden Caergybi ar gau am chwe wythnos yn ystod Chwarter 4 er mwyn gwneud gwaith i wella'r cyfleusterau (Neuadd Chwaraeon, Ystafelloedd Newid y Pwll Nofio a'r Ystafelloedd Ffitrwydd) fel rhan o'r Rhaglen Lleuedd Llewyrchus Llawn Addewid.

Yn seiliedig ar nifer yr ymweliadau i Ganolfan Hamdden Caergybi ar gyfartaledd yn ystod 2014/15, amcangyfrifir y byddai 18,000 – 18,500 o bobl wedi ymweld â Chanolfan Hamdden Caergybi yn ystod y cyfnod hwn pe na bai wedi cau ar gyfer gwaith gwella hanfodol.

O gofio natur eithriadol y materion hyn nid yw'r Gwasanaeth Adfywio Economiadd a Chymunedol yn ystyried bod angen cymryd unrhyw gamau lliniarol penodol.

Awdur: Anwen Davies  
Teitl Swydd: Interim Scrutiny Manager  
Dyddiad: 11 Mehefin, 2015